

Morning Dogri (NSD) National News Bulletin 08-04-2025

आकाशवाणी

1. प्रधानमंत्री मुद्रा योजना दे अज्ज 10 ब'रे पूरे होई गे न। प्रधानमंत्री नरेन्द्र मोदी होर एह्दे लाभार्थिं गी इस मौके पर संबोधत करगन।
2. राष्ट्रपति द्रौपदी मुर्मू होर पुर्तगाल दे दऊं दिनें दे दौरे पर न, जित्थें उनेंगी "सम्मान दी कुंजी" सम्मान दित्ता गेआ।
3. दुबई दे क्राउन प्रिंस अज्जै थमां भारत दे अपने पैहले पैहले दौरे पर आवा करदे न।
4. अमरीकी राष्ट्रपति डोनाल्ड ट्रंप हुंदे आस्सेआ अंतर्राष्ट्रीय बपार पर लाए जाने आले टैरिफें पर दुनिया दे केई मुल्खें सख्त एतराज जतांदे होई इसी अंतर्राष्ट्रीय अर्थबवस्था लेई खतरा दस्सेआ ऐ।
5. मुंबई आतंकी हमले दे मुख्य आरोपी तहव्वुर राणा गी भारत आहन्नने दा रस्ता साफ, अमरीकी सुप्रीम कोर्ट नै राणा दी एह्दे खलाफ अर्जी गी खारज कीता।
6. आईपीएल टी-20 क्रिकेट च कल रॉयल चैलेंजर्स बेंगलुरु नै मुंबई इंडियन्स गी 12 रंजें कन्नै हराया।

<><><><><><>

Mudra Yojna

प्रधानमंत्री नरेन्द्र मोदी होरें अज्ज नमीं दिल्ली च प्रधानमंत्री मुद्रा योजना दे 10 ब'रे पूरे होने दे मौके पर एह्दे लाभार्थिं गी संबोधत करै करदे न। इस सिलसिले च आयोजित कार्यक्रम ठीक इस'लै शुरू होआ'रदा ऐ। 2015 च शुरू कीती गेदी इस योजना तैहत लौहके पैमाने पर अपना कम्म शुरू करने आलें गी 10 लक्ख रपे तोड़ी दा दोहार उपलब्ध कराया जंदा ऐ ते एह्दे लेई उनेंगी कोई जमानत बी जमा करोआने दी बी लोड़ नेई होंदी।

<><><><><><>

President

राष्ट्रपति द्रौपदी मुर्मू होरें गी पुर्तगाल दे लिस्बन शेहरे दी नामवर "सम्मान दी कुंजी" प्रदान कीती गई। एह् उंदे पुर्तगाल दौरे दा सब्बने शा खास पल ऐ ते एह् सम्मान जेह्ड़ा लिस्बन

शैहर दा सब्बने शा बड्डा सम्मान ऐ, उनेंगी लिस्बन दे मेयर कारलोस मेडस होरें प्रदान कीता। राष्ट्रपति मुर्मू होरें इस समारोह च लोकें गी संबोधन करदे होइ आखेआ जे भारतीय समुदाय पुर्तगाल च चौथे नंबर उपपर सब्बने शा मती गिनतरी आला मुख्य ऐ। दौनें मुल्खें दी संस्कृतिदे तालमेल गी दर्शादा ऐ। अपने संबोधन च मुर्मू होरें वसुधैव कुटुम्बकम् दे सिद्धांत आले भारत दे दृष्टिकोण दे बारे बी गल्लबात कीती ते आखेआ 2047 तोड़ी विकसित भारत दा निर्माण कीता जाग, जेह्दे लेई पुर्तगाल गी विश्वास आले भागीदार दे रूपै च दिखेआ जाग।

<><><><><><>

Dubai

दुबई दे क्रसउन प्रिंस ते संयुक्त अरब अमिरात दे उपप्रधानमंत्री शेख हमदान बिन मोहम्मद अल मकतुम होर अपनी दऊं दिनें दी भारत यात्रा पर अज्ज पुज्जा'रदे न। क्राउन प्रिंस दे रूपै च एह उंदी भारत दी पैहली अधिकारिक यात्रा ऐ। ओहू नमीं दिल्ली च बक्ख-बक्ख मंत्रिण, शीर्ष अधिकारिण ते उच्च स्तर दे बपार प्रतिनिधिण कन्नै मलाटी करगन।

<><><><><><>

World Leaders

अमरीकी राष्ट्रपति डोनाल्ड ट्रंप हुंदी टैक्स ते टैरिफ बवस्था दी हालिया घोषणा कन्नै दुनिया भरै च शेयर बजारे च आई दी गिरावट दे चलदे कल यूरोपीय स्टॉक च उपरोतली चौथे सत्र दी गिरावट आई ऐ। इस्सै दरान बधदे बपार तनाह दे चलदे भारतीय शेयर बजार च बी 3 प्रतिशत दी गिरावट दिक्खने च आई ऐ। दुनियर भरै दे नेताएं ट्रंप हुंदे टैरिफ उपाएं दे खलाफ रैली कीती। बरतानिया दे प्रधानमंत्री कीर स्टारमर होरें आखेआ ऐ जे बरतानिया दे समेयान पर लाए गेदे टैरिफ कारण दुनिया दी अर्थबवस्था ते ब्रिटेन दे उद्योग ते बपार जगत दौनें लेई खतरा ऐ। रूस दे प्रवक्ता दिमित्री पेसकोव होरें अमरीकी फैसले गी दुनिया दी आर्थिक स्थिरता गी कमजोर करने दी कोश्ट दस्सेआ। तोआई बंगलादेश दी अंतरिम सरकार दे सलाहकार मोहम्मद यूनस होरें डोनाल्ड ट्रंप होरें गी इक चिट्ठी लिखी ऐ ते बंगलादेश पर लाए जाने आले 37 प्रतिशत टैरिफ गी त्रै महीने तगर टालने दी अपील कीती ऐ।

<><><><><><>

Piyush-Fair Trade

केन्द्र उद्योग ते बपार मंत्री पियूष गोयल होरें आखेआ ऐ जे भारत उनें मुख्यें कन्नै कारोबार बधाने बक्खी चेचा ध्यान देआ करदा ऐ जेह्दे होरने मुख्यें कन्नै कारोबार करदे होई इक बरोबर दे मौके देने च जकीन रखदे न ते इस नियम गर संजीदगी कन्नै लागू रखदे न। कल संजा “इंडिया ग्लोबल फोरम” च अपने संबोधने च मंत्री होरें आखेआ जे भारतीय कंपनियां पूरी चाल्ली समर्थवान न ते जिस कुसै मुख्य कन्नै बपार कारोबार करदियां न, उंदे नै पूरी चाल्लीसाफ सुथरे ते पारदर्शी ढंगै नै बपारिक गतिविधिएं गी तैहशुदा नियमें मताबक तोड़ चाढ़दियां न। उनें आखेआ जे चीन च जेह्ड़ा तेजिया कन्नै आर्थिक विकास होआ ओह्दी बुनियाद गलत तरीके कन्नै कीते गेदा कारोबार हा। उनें आखेआ जे भारत कारोबार, माल समेयान ते सेवाएं लेई मुल्ल तैह करने च बी पूरी दमानदारी बरतने च जकीन रखदा ऐ।

<><><><><><>

US SC-Tahawwur Rana

मुंबई आतंकवादी हमले दे आरोपी तहव्वुर राणा दे भारत गी सौंपने दी बत्त-पदरी होई गई ऐ। अमरीका सुप्रीम कोर्ट नै मुंबई आतंकी हमले दे आरोपी राणा दी भारत बत्त पदरी पर रोक लाने दी मंग आली याचिका गी खारज करी दित्ता। सुप्रीम कोर्ट दे इस फैसले मगरा तहव्वुर राणा गी भारत आहन्नने दी राह होर सखल्ली होई गई। पाकिस्तानी मूल दे 64 बरें दे कनाडाई नागरिकराणा फिलहाल लॉस एंजलिस दे मैट्रोपालिटन डैटेनशन सेंटर च बंद ऐ। तहव्वुर राणा नै 27 फरवरी गी अमरीका दे सुप्रीम कोर्ट गी एसोसियट जस्टिस ते नोवे सर्कट गी सर्कट जस्टिस ऐलना कागज दे सामने दरखास्त दित्ती ही, जे उसी भारत दे हवाले करने आले हुक्मे उपपर रोक लाई लाए। पिछले महीने दी शुरूआत च जस्टिस कागण नै राणा दे आवेदन गी नकारी दित्ता हा।

<><><><><><>

IPL

आईपीएल 2025 क्रिकेट च रॉयल चैलेंजर्स बैंगलुरु नै मुंबई इंडियन्स गी मुंबई दे वानखेडे स्टेडियम च 12 रंजें कन्नै हराया। कल रातीं मुंबई च खेड्डे गेदे मैच च रॉयल चैलेंजर्स बैंगलुरु नै पैहले बल्लेबाजी करदे होई 5 विकेटें दे नुक्सान पर 221 रंज बनाए। 222 रंजें दा लक्ष्य उा पिच्छा करदे होइ मुंबई इंडियन्स नै 20एं ओवरें च 209 रंज गै बनाई सकी। रॉयल चैलेंजर्स बैंगलुरु दे क्रूनाल पांडया ने कुल 4 विकेटांजिंदे च 3 खिरी ओवर च लैतियां गेइयां। रजत पाटीदार जिनें कप्तान दे रूपै च खेड्डेआ, उनें 32एं गेदें च 64 रंज बनाए

जेहूदे करी उनेंगी प्लेयर ऑफ द मैच घोशत कीता गेआ। अज्ज दपैहरी विशाखापटनम च सनराईजर्स हैदराबाद दा मकाबला दिल्ली कैपिटल्स कन्नै होग ते संजा गुवाहाटी च राजस्थान रॉयल्स दा मकाबला चेन्नई सुपर किंग्स कन्नै होग।

<><><><><><>

US Iran

अमरीकी राष्ट्रपति डोनाल्ड ट्रंप होरें आखेआ जे ईरान दे परमाणु कार्यक्रमें दे सरबंधे च उंदे कन्नै सिद्धी गल्लबात कीती जाग। उनें ईरान गी चेतावनी बी दित्ती ऐ जे गल्लबात नकाम होने पर, उनें गंभीर खतरे दा सामना करना पौग। अमरीकी राष्ट्रपति दफ्तरे च कल इजराइल दे प्रधानमंत्री बेंजमिन नेतन्याहु हुंदे कन्नै बोलदे होई ट्रंप होरें संवाददाताएं गी आखेआ जे शनिवार गी गल्लबात शुरू होग। उनें इस मौके पर जोर पाया जे ईरान गी परमाणु थेआर विकसित करने दी अनुमती नेई दित्ती जानी लोड़चदी।

<><><><><><>

US Israel Gaza

इजराइल दे प्रधानमंत्री बेजमिन नेतन्याहु होरें आखेआ जे इजराइल गाजा च बंधकें दी रिहाई ते युद्ध विराम समझौते आस्तै इक नमें मसौदे पर कम्म करा'रदा ऐ। व्हाईट हाउस च कल अमरीका दे राष्ट्रपति डोनाल्ड ट्रंप हुंदे कन्नै बैठकें दे बाद पत्रकारें कन्नै गल्लबात च श्री नेतन्याहु होरें सब्बने बंधकें गी रिहाई सुनिश्चित करने ते गाजा दे हमास गी खत्म करने आस्तै इजराइल दी प्रतिबद्धता उप्पर जोर दित्ता। एहदे चलदे राष्ट्रपति ट्रंप होरें आखेआ जे गाजा संघर्ष तौले गै समाप्त कीता जाग। उनें मेद जाहर कीती जे इजराइली लोक नेतन्याहु राएं बंधकें दी रिहाई दे जतनें दी प्रशंसा करगंन।

<><><><><><>

Jal Shakti

जल शक्ति मंत्री सी.आर.पाटिल होरें आखेआ ऐ डैमें दी सुरक्षा गी छड़ा पालमा दे इक नियम दे रूपै च गै नेई सगुआं मनुक्खी सुरक्षा, आले दुआले दे पर्यावरण तंत्र दे संरक्षण मुल्खे दी तरक्की लेई पक्के धेइयै दे रूपै च बी दिखेआ जाना लोड़चदा। उनें जोर देइयै आखेआ जे पुराने होई चुके दे डैमें लेई डैम सुरक्षा दे उपाएं दी अपनाने ते इत्त भेठा मते जतनें दी लोड़ ऐ। मंत्री होरें कल राष्ट्रीय डैम सुरक्षा प्राधिकरण आस्सेआ “बांध सुरक्षा अधिनियम

2021 एकीकृत डैम सुरक्षा प्रबंधन आली भेठा'' विषय पर आयोजित इक बचार गोष्ठी गी संबोधत करदे हे ।

<><><><><><>